

慶州李氏世譜序

慶州之李寔東方舊族也漢宣帝時始祖以楊山村長佐羅祖開國而儒理王賜姓李氏古者軒轅氏之王天下也有子二十五人其得姓者十四則是有土有官得以爲姓也閼國功臣之賜姓豈以是與周禮樂官司商定音律制姓名鄭公孫揮辨於大夫之族姓班位貴賤姓氏分別其來亦久矣漢晉以後紀譜志族盛於歷代而歐陽公取法於史氏之年表蘇老泉取法於禮家之宗統黃山谷譜七世以上疑不能明者略而不著蓋慎之也我東三韓之世文獻無徵新羅百濟高句麗爪分鷗峙為于戈疆域而史牒不全况於氏族之譜系乎李氏始祖以下為羅世臣而譜錄無傳至羅李蘇判公記其世次按羅史世家大族號稱真骨大骨而蘇判秩貴惟真骨得授是識則可知其世為貴族也蘇判之

孫事麗太祖仍繼世簪纓僕射公有三子皆以文章大顯益齋眉州詩序吾大人三昆季雖不敢自比於蘇家父子亦可以名動一世者非誇也三世八卿四文衡五魁元古亦未有趙簡詩具慶提衡罕見聞閔瀆詩花萼三家五榜魁者是也逮乎我朝名公碩輔節義文章考諸名臣錄文衡譜鼎席盟府玉署藝苑諸錄彬々相望支派蕃衍而無一染涉於凶險汚辱此莫非祖先懿範休澤之所及而凡為子孫者其可不思勉飭継述之道乎舊譜之刊甲子重印諸派之孫已易三世皆當追錄故又此續成審稽遺文旁據諸譜而正其訛舛補其闕略叅用年表宗統之遺法舊譜之未備者旁註添錄而疑者闕之亦致慎之意也程子曰管攝天下人心收宗族厚風俗使人不忘本須是明譜系收世族立宗子法今我同宗之人本出於一人之身而轉為面目不知聲聞不

及之人其不知於相狀翦同禽獸者幾希顧念其本寧不稟然宗法譬
猶木之正幹分而為枝又有旁枝達而為幹所謂天子建國諸侯尊宗
而亦各有大宗小宗親疏近遠之分同五世為近宗同十世為遠宗溯
以上之雖百世千世亦同宗也近者親而遠者疏亦天理之節文而同
宗則同本不識而不相聞而不同於路人者以譜系之明也人既尊祖
重本而推其孝悌之心則朝廷之勢自尊今此世譜之修不但收族敦
宗而尚亦有助於 聖朝厚俗之政教云

裔孫嘉義大夫行承政院都承旨妻 經筵叅資官春秋館修撰官
藝文館直提學尚瑞院正重協謹序

白沙先生同宗禊序

當堯之時治獄之吏謂之理官有能舉職者以官授姓因聲相近遂為

李氏周末守歲史老聃托胎七十年指李而生故亦姓李逖矣二說否
難悉究自是以降根培條暢柯葉遠布至我東方寔維我祖所居成聚
衆推為長世謂之沙梁大人以漢地節元年糾率六部翊戴羅祖基王
業上下千有七百年間鉅人長德譜不絕書三韓壁記孰與高下不朽
有三世祿不稱焉則世家編戶若是乎無紓重哉然孟子曰所謂故國
者有世臣之謂也若保姓不墮為國巨室與同休戚則誇宗尊族之論
又豈可少之哉惟是親屬既竭支分派別服窮於上戚單於下以至於
喜不慶憂不吊路上相逢一揖馬鞭者亦幾希矣嘗聞禮曰同姓從宗
合族屬又曰尊祖故敬宗故收族君子曰睦而合族於是族食之
禮興而遂以是為重吾宗李光陽宗彥甫興言及此牴然傷之倡議于
姓倣古合族之禮以修禊事遂徵序於余余曰靈椿敷葉蔭于通衢而

其本一根之萌也大姓毓慶遍于天下而其初一人之身也一而為三
二而為五五而為九下殺旁殺而親乃畢矣枅於勺前沾潤苦蓄脉連
於根者遠揚至於南北生之膝下喘息呼吸氣通於親者子孫至於道
人不亦悲哉抑余有一說為諸君勗之晉謝唐崔雖稱華胄一世之後
後孫不免廝役無德故也唯衡龍豕韋唐柱及范歷三代而益大者世
修其德故也吾宗不振久矣詩曰無念爾祖聿修厥德今念祖修德其
惟望于諸君

吾宗舊無譜宗人侍郎重協氏積歲月之工始有成書旣印行先祖
白氷先生同宗禊序弁其卷蓋為敬宗合族之義禊與譜無異而念
祖修德之訓今與古均也小子更何述焉仍念先祖之以謝崔范氏
為喻者其旨深矣雖然范氏之德視謝崔則固遠矣若穆叔之論則

必以立德立事為不朽而范氏之保姓守宗為祿之大者其論亦篤矣且以吾先言之沙梁大人之德至千有餘年歷三代而代有公卿是則豕韋唐柱之世祿莫或尚之而若惟白沙先生身服乎禮義而道光於彝倫此正古人所稱立德立事為不朽之烈者也凡為先祖之雲仍傍枝者思所自修既無替沙梁世祿之遺而亦必紹白沙不朽之烈則可謂無忝厥祖矣余又以為同宗告焉若其收輯之勤凡例之詳侍郎自有序云白沙先生五世孫宗城敬識

慶州李氏世譜序

李氏之望慶州者為我東之甲乙族始祖謁平佐羅祖開國自羅而麗
以及本朝上下數千年間名公卿賢大夫譜不絕書益大而昌儘乎源
遠而流長根深而末茂非他族之可比也其為譜始於甲子中於戊辰
訖于壬申凡三度而世代愈遠子姓益繁各派昇雲之散處者殆遍國
中雖復欲合譜而功力浩大事故多端殆難以歲月期也於是乎有旅
譜之議此固不得已之論而亦勢之固然也評理公諱仁挺一旅子孫
散居湖南之列邑以其居鄉也故簪纓科宦雖有遜於京洛諸家而孝
友修飭娶不失故家風韵值其所居各為其鄉之望族至若茅山公蠻
野隱公永佑叔姪俱登賢良之薦為己卯士類暨五楓公有慶克紹先
徽俱享俎豆吁亦盛矣惟此一旅居既同省而屬又不甚疎遠故始為

序於余余惟李氏之不能為令譜雖欠圓滿而勢所不行則
收其近族以成旅譜者固未為不可矧乎自近而推遠訟流而溯源上
而有數三度全譜則尊祖敬宗亦不患其無本矣且近來譜家無論遠
近一例同譜多失於混淆紊亂此亦一弊也今李氏之譜宜無此患而
謹修一旅之系以待後日則安知無各旅會同更成全譜之時乎第程
夫子收族厚俗之訓蘇明允孝悌油然之說為譜家之陳談不必更提
而竊惟譜中僉君子深念昇天燎毛之戒益懋承先裕後之道以范文
正於吾有疎戚而自先祖視之均為子孫之說為家訓以勉同此譜中
之人而又推及於未同此譜之諸族則李氏孝悌敦睦之風將永世而
不匱矣余老且無文而李君垕永甫縷仁勤囑且余於李氏為彌甥故
有不得終辭云

慶州李氏清溪公派譜序

清溪公派譜者譜清溪公之派族也派之爲言卽源水之分派也孟子曰源泉混混不舍昼夜盈科而後進放于四海有本者如是惟我李氏之源本本於慶州而自新羅之初始祖得姓之後逮于麗朝以及本朝而於千斯年不億其麗者在朝爲簪纓世閥在國爲翰墨故家則誠東邦之大家當世之巨族而世譜之修成始於甲子而已經三度則世代愈遠子姓益繁散居八域難可合譜故粵自評理公之後始有派譜之修成者不惟同族之昌盛實由祖先種德積善之所及也今我十三代祖清溪公之雲仍奠居於湖南之各郡者亦累世而其麗亦不啻千萬而已有派譜之議者久矣始於本年仲秋開設刊所於順天而不肖素以鹵莽之資年亦衰耗專特僉宗賢勞之力矣纓當有司之名而

追憶吾宗之前後萬念層生而喜不自勝也何者至若譜冊修成而留
在各宗几案則慕先之誠油然自生於中愛族之心充溢於外雖平
日不識面不相聞者如在牆屋之隣使我同派之族咸知遠者可近踈
者可親在於一心敦睦則是譜之修成亦可謂吾宗之慶福耳噫先
祖百世之計種之以德而後孫蕃衍後孫敦睦之誼百世不墜則源泉
混混之水放于四海者同是慶州流來之派也復未知不幾之年又有
派譜之派譜也只願僉宗念者之在茲也

丙申年菊月下浣

清溪公十三代孫鍾太謹識

序

有或者曰夫譜自祖宗述昭穆序本支生卒科宦三綱而已一世一譜是規而李氏之譜何其頻修編次剖劂得無煩乎余曰易隨時變易以從道萬敵合一物極必反同其天理人事叅焉吾李之譜亦猶是矣自天生烝民孰無先祖后孫承先裕後之心皆出於秉彝之性焉故記譜誌族不下於漢晉以後歐陽公史氏之年表蘇老泉禮家之宗統也惟我慶州之李自羅麗迄于本朝為世華闕名功巨卿入相出將忠烈壯節累建大勳為國柱石其鴻功偉蹟昭載史冊如留雲鴻瓜累世子子孫孫列居星散支派派系通珠貫莫非吾先祖積善之餘慶也是以徃昔世譜間間追后派譜等等亦莫非吾賢族繼述之善矣迄今海變滄桑世入洪爐此際自評理公以下清溪公之派譜僉議

碑跋始於秋終於冬畧成卷之上下上則承先下則裕后藏之者爲易看之者不難念念在祖以先祖之心爲心則可追范文之敦族亦謨公藝之共爨遠者近而踈者親不同路人也或者聞之曰雖百代之遠恒念一家之親不外乎是云余以半臂之才猥冒編校敢此畧述顛末以備參考云

丙申小春上澣

清溪公十三代孫鍾運盥手謹識

人之頂天立地者孝悌為本矣孝悌油然之說寔出於譜家而譜者尊
祖叔族承先裕後焉故歐陽公史氏之年表蘇老泉禮家之宗統是也
惟吾宗派系自 蘇判公以下 評理公以下 檢校公以下 莽山
公五兄弟四次 清溪公派雲仍之散處南北世遠而眼窮眼窮而親
疎其初一人之身分爲兄弟兄弟之身分爲諸族而猶木之枝葉水之
派流木之盤根者其枝葉未必繁茂也乎水之積源者其派流未必浩
漫也乎不忘根源大同世譜三度之後評理派譜間有不止然合族之
難不得圓滿也乙丑派譜之後世級漸降混淪此際綱倫衰頽不遠夷
狄者益悵久矣何幸是年菊秋諸族氏歸一之議家有乘宗有譜之論
而閑設刊所謹修一派輯成上下卷帙而上載鼻祖之德業下載耳孫
之懿範帙帙列行有序某某其枝傍枝某某其派傍流瞭然列紙而是

譜修成亦追先儒之明訓遠者近踈者親而孝悌之心油然生者敦睦
之誼亦在其中復何求哉余忘拙猥書顛末后日補於追慕之萬一云

丙申小春下漸

清溪公十四世孫
根雨謹識

序

李之爲姓厥有舊矣粵在辰韓時有曰六部而新羅仍之至儒理王朝始賜姓六部長李其一也自羅歷麗至于我朝李氏相繼歷累十世而兵判公諱碩輔外始來于羅州而居焉其後清溪公諱鰲遷居順天而其麗萬千散處隣近邑世代雖遠其初則一人也後屬雖疎其分則兄弟也而殊不知某地之某宗人同我爲某公後也而倘非籍記其昭穆之所以序親疎之所以分夫孰知本自一人乎是故宗人根兩與相其慨然有志於清溪公後派譜合宗之誼移書遠近鳩聚其家乘於是乎集成派譜一帙而付諸註刻焉豈非吾宗之大慶耶然而自吾鼻祖至于七十餘世數千年之後而頗有故家之遺風尚稱南州之望族益感先祖積德之厚列代賜恩之至也何幸今者蒐集遺乘共作紙

慶州李氏清溪公派序

上之顏面千里氏族如對咫尺其於開卷之際庶記某派之自於某源某枝之分爲某葉也一開卷而昭穆之次序親疎之所分瞭然在目歷歷可考所謂孝悌之心油然而生者其在斯歟其在斯歟嗚呼休哉

丙申十月上澣

清溪公十四代孫 堤雨謹識

大清康熙乙未歲夏月
清溪公十四代孫
堤雨謹識

嗚呼水萬派而一源木千枝而一根顧我譜中諸孫孰非其初一人之
身乎以一人分為兄弟以兄弟分為諸族各處南北有同路人某々支
派不能致詳此莫非不肖昧々忝爾所生故年至若清溪公派雖居數
百年之前而厥初一源一根也幸於是年菊秋吾派僉議歸一克遵先
賢明譜系厚風俗之訓閑設刊所成編上下上究鼻祖之所自出下考
耳孫之所以分沂古沿今乃作一家平日之不相識不相聞者並在牆
隣豈不盛哉豈不盛哉全派合譜以俟后之君子忌拙略叙云爾

丙申小春上憲清溪公十三世孫鍾吉謹跋

維我慶州李氏自始祖謁平公佐羅朝開國樹勳名卿巨儒忠孝節義
磊落相承源遠流長根深枝茂其雲仍之散居京鄉者其麗不億而俱
是一祖之孫世遠地分居住不相知生死不相聞至於喜不慶憂不吊

無幾於塗人可勝歎哉然南枝北枝元是同根東流西流無非一源今日之宗族即前日父子以宗族之親為親以父子之心為心序齒而曰兄曰弟叙行而稱叔稱侄良慶相問親愛敦睦則古之九世同居何獨專美哉祖先在天之靈應是點頭服膺矣蘇老泉曰觀吾譜者孝悌之心油然而生矣此真秉彝之言也尊祖叔族莫重於譜斯譜也祖先之名諱稱號生卒爵位閱卷瞭然為其後孫者其可不瞻對興懷思所以無忝厥祖也哉惟我宗族以孝悌之心及於親睦之誼則詩曰無忝爾祖聿修厥德於斯庶幾矣

丙申小春上辨清溪公十四世孫千雨謹跋

始祖諱謁平

事蹟見上

失傳世系

一世

侑

字智上

子宅

字庸伯
号瓢公

二世

子仲嘉

字子康

三世

子奭

四世

子文祥

五世

六世

子昉

字斗建

七世

子秀章

字僖昌

八世

子綏

字文禹

九世

子起貞

字自章

十世

子美容

字自章

十一世

子成立

字景行

十二世

子昫

十三世

子啓烜

十四世

子傑

十五世

子佗

弟赫

子宣璋

字思壽

十六世

子之廉

子基瞻

十七世

子元立

字和行

子仁興

十八世

子曜